

LA PUNT



Infuormaziuns da la corporaziun evangelica Ardez - Ftan - Guarda



FAVRER, MARZ, AVRIGL 2025



Collecta annuala

Eir quist on sustgnaina cun nossa collecta annuala progets chi's rechattan illas muntognas da Peru e Bolivia. Pauras e paur pitschens, chi cultiveschan lur chomps e prada in quistas otezzas, fan frunt a sfidas adüna plü grondas pervi dal müdamaint da clima e fenomens meteorologics sco p.ex. süttinas e dschetas. L'organisaziun «*Mission 21*» collavura cun



organisaziuns localas chi sustegnan famiglias cun pitschnas paurarias. Quel agüd procura ch'ellas pon cultivar lur fuond in ün möd plü ecologic, tuornar pro möds tradiziunals da semnar ed uschè avair chüra da l'ambiant e rajiundscher daplü diversità e sgürezza a regard lur alimentaziun.

Il consistori e la pravenda ingrazchan a tuots e tuottas chi sustegnan eir dal 2025 ils progets partenaris da l'organisaziun «*Mission 21*» a favur da la suveranità alimentara illas regions da muntogna a Peru e Bolivia. Infuormaziuns plü detagliadas as chatta suot www.mission-21.org





Di da schoppa ecumenic

dumengia, ils 16 da marz 2025 a las 11.10 illa baselgia da Ftan



Il cult divin ecumenic cun rav. Marianne Strub e rav. Mathew Charthakuzhiyil sta in connex culla campagna ecumenica annuala da «HEKS» e «Fastenaktion» cul tema **Hunger frisst Zukunft**. Il dret sün nudritüra, e la sgürezza alimentara in ün temp cun fominas in blers pajais dal süd, sta i'l center da la campagna.

Davo il cult divin sun tuots invidats ad ün past cumünaivel in chasa da scoula Ftan.

Confirmaziun, dumengia da las Palmas, ils 13 d'avrigl 2025

Ils cults divins festivs han lö a las 08.30 illa baselgia da Ftan, a las 09.45 illa baselgia d'Ardez ed a las 11.10 illa baselgia da Guarda

Dumengia da las Palmas es il di per la festa da confirmaziun, la conferma dal battaisem. A tuot las confirmandas e tuot ils confirmands giavüschaina forza, curaschi e furtüna sün lur via da la vita.






Quist on vegnan confirmats/confirmandas:

Ftan

-  Soraja Bazzell
-  Dario Vonlanthen

Ardez

-  Lamin Bott
-  Morena Mair
-  Fadri Thomas
-  Severin Tönnett

Guarda

-  David Lampert
-  Raphael Lampert
-  Ravi Merchant

Bunura da Pasqua

dumengia ils 20 d'avrigl 2025 a las 06.00!

La bunura da Pasqua tradiziunala, chi'ns maina **“dal s-chür aint il cler”** celebraina quist on ad **Ardez**. Il cult divin in baselgia sco eir suot tschêl avert cumainza la **bunura a las 6.00**. Davo sun tuots e tuottas cordialmaing invidats ed invidadas à a la culazchun da Pasqua in chasa da scoula.

Occurrenzas da noss progets

Cinema baselgia

mardi, ils 11 da favrer 2025 a las 20.00 illa baselgia da Ftan

In preschentscha da la redschissura *Susanna Fanzun* vegn muossà il film **«I Giacometti»**. Il film muossa purtretts in cumbinaziun cun skizzas, chartas persunalas, perdüttas dal temp e registraziuns da la cuntrada alpina ed ans maina la famiglia d'artists Giacometti plü daspera.

Dürada: 102 minuts / Lingua: Tudais-ch / Liber: a partir da 14 ons / Entrada libra / collecta





dumengia, ils 9 da marz 2025 a las 17.00 illa baselgia da Guarda



I vegn muossà il film «**Die Schule der magischen Tiere 2**»

Insembel cun la magistra Miss Cornfield vegn organisà a la scoula Winterstein ün musical pel 250 avel giubileum da la scoula. Però aint il battibuogì da novas bes-chas magicas, marusaglias e fouras misteriusas sül areal da scoula, ris-cha il musical da crodar aint l'aua. Rivan ils amis da salvar ils musical cun l'agüd da lur cumpogns magicis?

Dürada: 99 minuts / Lingua: Tudais-ch / Liber : a partir da 6 ons / Entrada libra/collecta

Il Sainin

Ilis venderdis dals 14 favrer, 28 marz e 25 avrigl 2025, da las 9.30 a las 11.00

ha lö il Sainin illa sala cumünala ad Ardez. Tuot ils uffants tanter 0 e 5 ons, accumpagnats dad ün creschü, sun cordialmaing invidats da gnir a tadar ün'istorgia da la Bibla, da chantar, da giovar e da star da cumpagnia.

Per ulteriuras infuormaziuns as poja contactar a rav. Marianne Strub, 081 862 23 61

Ulteriuras occurrenzas a regard noss progets vegnan publicadas sün nossa pagina d'internet e sün placats.



Maisas da giantar per tuots e tuottas dad Ardez e Guarda

Las prosmas maisas da giantar han lö i'l hotel Alvetern ad Ardez:



-> **mardi, ils 4 da favrer**

-> **mardi, ils 4 da marz**

-> **mardi, ils 1 d'avrigl**

Annunzchas, fin il plü tard il di avant, piglia incunter Erna Fontana, 081 862 23 50.

Per giasts da Guarda vegn organisà il transport.

In viadi...a Schaffusa e contuorns

Dals **2 fin 4 da mai** ans maina il viadi da nossa corporaziun giò'l bel chantun da Schaffusa, süls stizis dals Uguenots e Valdensers.

La senda culturala dals Uguenots e Valdensers maina da la Frantscha dal süd e dal Piemont fin in Germania a Hessen e passa tras la Svizra, da Genevra fin pro'l cunfin in vicinanza da Schaffusa.

Cun quist viadi laina scuvrir l'ultima part da la senda sün territori svizzer, chaminond da Schaffusa a Barzheim. Eir la bella città da

Schaffusa e seis contuorns laina visitar ed ans allegrain sün bels dis da cumpagnia e da scuvertas culturalas ed istoricas.

Las infuormaziuns detagliadas seguan bainbod. Intant stà *Silvia Schlegel, 079 585 47 91*, gügent a disposiziun per dumondas.





Concert illa baselgia d'Ardez

venderdi, ils 14 da marz 2025 a las 20.00



Il concert «Die Winterreise» es gnü cumpuonü da Franz Schubert per vusch e clavazin. Ad Ardez as doda l'ouvra arrandschada da *Wim ten Have* per vusch da bariton e quartet da musica a corda. Il baritonist indigen **Chasper-Curò Mani** vain accompagnà da las trais violinistas Regula Litschig, Katharina Saccà, Muriel Schweizer e dal cellist Michael Brüssing. **Entrada 25.- fr**

In aigna chausa

In tschercha dad ün'occupaziun speziala?

La corporaziun Ardez-Ftan-Guarda tschercha süls **1.11.2025 ün caluoster/üna caluostra per la baselgia da Ftan**. Chi chi ha interess es fich bainvis ed as po annunzchar pro Not Armon Willy, 079 682 44 58 o Cilgia Florineth, 081 864 10 07



PREAVIS: Radunanza generala 2025 a Ftan



La radunanza generala da la corporaziun evangelica Ardez-Ftan-Guarda ha lö in **dumengia, ils 25 da mai illa baselgia da Ftan a las 11.00** (davo il cult divin da las 10.00). L'invid e las tractandas vegnan publicadas a temp ütil.

Casualias in noss cumüns

Battaisems:

Gian Tönett, 27.10.2024, Ardez

Nozzas:

Ingünas

Mortoris:

Johanna Franziscus Bonifazi, 5.11.2024, Guarda

Maria Strimer Vonzun, 7.11.2024, Ardez

Chatrina Mendury- Marugg, 25.11.2024, Ftan

Moritz Collenberg Mendury, 26.11.2024, Ftan



Adressas:

Pravenda

Dna. rav. Marianne Strub,
Chasa da pravenda,
7546 Ardez, 081 862 23 61
marianne.strub@gr-ref.ch

Secretariat

Corporaziun evangelica Ardez-Ftan-Guarda
Secretariat, Arfusch 166,
7546 Ardez, 081 860 34 10
secretariat.pravenda@bluewin.ch

www.ardez-reformiert.ch/rm

